

Putsup gassiinut imermik saligutikumik umiarsuit Kalaallit Nunaata imartaani kuutsitsinissaanik inerteqquteqarnissaanik, Naalakkersuisut peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Justus Hansen, Demokraatit)

Qujanaq siulittaasoq.

Naleqqamiit imartatta pinngortitattalu patajaatsumik inissisimanissaa pingaartitalugu inissisimajuassuugut.

Pinngortitarput, imartatta minguisseqarnissaa, aalisarneq inuussutissarsiornitsinni qitiulluinnartog, aammalu nerisassanik minguitsunik tunisassiorneq inuiaqatigiinnut pingaarutilerujussuuvog. Taamaattumik putsup gassiinut imermik saligutikumik nunatta imartaanut kuutsitsisarneq inerteqqutigineqalernissaa Naleqqamiit tapersorsorparput

Taamaaleriarlutalu inatsisilioraluarutta inerteqqutaasussanngorlugit inissinnissaa aaliangeraluarutta inatsiseqalerutta inatsit atuutinngikkutigu aamma isumaqannginnami. Tamaammat taamatut inatsiseqalissagutta pingaartipparput nunatta nammineq Coast Guard-inik peqalernissaa, nunatta inuunik pikkorissunik siuttulerlugit, tassani aamma eqqaaneqarsinnaasut ilagaat Norskit atortorissaarutaat Sattelitleq atorlugu Norgep sineriaani misissuisinnaaspoq pigivaat.

Assersuutigisinnaavara Svalbardimut angalalluta tamakkua satellitit atorlugu sineriarfik nakkutigisinnaavaat. Tamakkua suleqatigineqarsinnaapput. Massakkut aatsaat taama nunat allat suleqatigineri pineqartillugu tamakkua suleqatiginiarneqartariaqarput.

Norskit sineriaanni oliekoortoqarpat satellitikkut takusinnaasarpaat. Taamaammat suleqatissatsialattut inissineqarsinnaapput.

Issittumi avatangiisit malussarissut immikkut illersorneqartariaqarput. Uulia kinertoq saligutillu mingutsitsinerpaajusartut immap iluani katersuussinnaallutik aalisakkanut, qalerualinnut, puisinut,

nannunullu sunniuteqartarput, taamaalillutillu inuit peqqissusaannut, inuussutissarsiornitsinnut, aammalu nerisassanik minguitsunik avammut tunisassiornernut ulorianartorsiortitsillutik.

Umiarsuit uuliamik kinertumik atuisut tamarmik orsussanik mingunnerusunik atuisinnaapput.

Taamaattumik inerteqquteqarnermi umiarsuit unammillerneq ajorput, mingunnerusumik atuisinnaaneq periarfissaavoq, aammalu nunat allat assersuutigineqarsinnaapput.

Naleqqamiit isumaqarpugut nunatta nammineq imartai illersorniarlugit akisussaaffeqarluta. Taamaattumik putsup gassiinut imermik saligutikumik kuutsitsisarneq inerteqqutigineqarnissaa inuiaqatigiinnut, inuussutissarsiornermut, pingortitamut, aammalu siunissamut iluaqutaalluinnarnissaa.

Kisianni oqaatigeqqiinassuarput naleqqamiit inatsisliorneq kisimi naammassinnaangilaq.

Tullinguutussangussooq sineriami qanutut paarsisulersussuugut? Qanutut suleqatissarsiorneq atussuarput, imaluunniit naatsumik oqaatigalugu nunatsinni taava qanutut ujaasissuugut? Tamakkua apeqqutit takkuttalissagamik.

Taamatut siunersuummut naattumik oqaaseqarluta Naleqqamiit nunatta minguittuunissaa pillugu suleqataajuassuugut. Nunatta iluamik pineqarnissaa pingaartipparput.